



Strategaeth Iaith Gymraeg

(2017 – 2022)

Paratowyd yn unol â gofynion
Rheoliadau Safonau'r Gymraeg (Rhif 1) 2015
Dan Fesur yr Iaith Gymraeg (Cymru) 2011

This document is available in English / Mae'r ddogfen hon ar gael yn Saesneg

Cynnwys

Tudalen

Cefndir	1
Proffil Ieithyddol	2
Sut?	5
Meysydd Ffocws	
+ Deddfwriaeth a Pholisïau	
+ Addysg	
+ Y Drefn Arferol	
+ Gwasanaethau a Digwyddiadau	
+ Hawliau'r Cyhoedd	
Mesur Llwyddiant	10
Amcanion	11

Cefndir

Paratowyd y strategaeth pum mlynedd ddrafft hon gan Gyngor Bwrdeistref Sirol Torfaen fel y fethodoleg ar gyfer hyrwyddo'r iaith Gymraeg a hwyluso'r defnydd o'r iaith mewn Cymunedau o fewn y Fwrdeistref a hynny mewn cydymffurfiaid â Safon 145 Hysbysiad Cydymffurfio Cyngor Bwrdeistref Sirol Torfaen, dan Reoliadau Safonau Iaith Gymraeg (Rhif 1) 2015.

Mae ein dull o weithredu, fel y nodir yn y ddogfen hon, wedi'i strwythuro o amgylch pum maes ffocws sy'n adlewyrchu strategaeth iaith Gymraeg Llywodraeth Cymru a'r strategaeth ddrafft ar gyfer 2017. Mae'r strategaeth yn nodi ein blaenoriaethau strategol o dan bob un o'r meysydd hyn, ac yn amlygu'r newidiadau y bydd angen inni eu gwneud.

Mae'r Cyngor yn cydnabod ei ddyletswydd i ddarparu gwasanaeth yn y Gymraeg a'r Saesneg, ond hefyd cydweithio i hyrwyddo ac annog defnydd ehangach o'r Gymraeg ym mhob agwedd ar fywyd cymdeithasol ac economaidd Torfaen. Nid yw'r strategaeth hon ar gyfer un sefydliad unigol a bydd gyflawni'r strategaeth, felly, yn dibynnu ar weithio mewn partneriaeth: rhwng partneriaid sector cyhoeddus (PSC), y cyhoedd, sectorau preifat; ac, yn bwysicaf oll, trigolion a'r sawl sy'n ymweld â Thorfaen.

Bydd cefnogi pobl ifanc, teuluoedd a chymunedau i ddysgu Cymraeg a theimlo'n rhydd i ddefnyddio'r iaith hefyd yn hanfodol i lwyddiant y strategaeth hon. Yn ystod y blynyddoedd diweddaf gwelwyd twf cyson yn y galw am addysg cyfrwng Cymraeg. Bydd system addysg a 'Chynllun y Gymraeg mewn Addysg' y Cyngor yn chwarae rhan allweddol o ran sicrhau twf yr iaith yn y dyfodol wrth i ni anelu at gynyddu nifer y plant - a rhieni - sy'n cael y cyfle i ddefnyddio'r Gymraeg, a chynyddu cyfleoedd i ddefnyddio'r iaith y tu allan i giatiau'r ysgol.

Proffil leithyddol



Yn 2011, dywedodd 9.8% o drigolion Torfaen eu bod yn medru siarad Cymraeg. Mae demograffeg yr ardal yn wahanol iawn i fro Gymraeg draddodiadol yr iaith Gymraeg hy Gogledd a De Orllewin Cymru. Dengys y tabl isod ganran a nifer y preswylwyr ymhob Ward sydd yn medru siarad Cymraeg.

Ward	Poblogaeth (3+)	Medru Siarad Cymraeg (Nifer.)	Medru Siarad Cymraeg (%)
Abersychan	6794	776	11.42
Blaenafon	5823	581	9.98
Brynwern	1700	137	8.06
Coed Efa	2257	237	10.50
Croesyceiliog - Gogledd	3358	352	10.48
Croesyceiliog - De	1753	202	11.52
Cwm-ynys-cou	1376	124	9.01
Fairwater	5039	466	9.25
Dôl Werdd	3900	436	11.18
Llantarnam	5341	442	8.28
Llanyrafon - Gogledd	1955	219	11.20
Llanyrafon - De	2662	251	9.43
Y Dafarn Newydd	5831	500	8.57
Panteg	6944	607	8.74
Pontnewydd	6076	656	10.80
Pontnewynydd	1434	137	9.55
Pont-y-pŵl	1771	132	7.45
Sant Cadog a Phen-y-garn	1493	129	8.64
Sain Derfel	3519	323	9.18
Coed Llwyd	1990	192	9.65
Trefddyn	3425	328	9.58
Dau Loc	5998	681	11.35
Cwmbrân Uchaf	5039	520	10.32
Waunfelin	2366	213	9.00
Torfaen	87844	8641	9.84

Cymhariaeth rhwng nifer a chanran y siaradwyr Cymraeg rhwng 1981 a 2011

	1981	1991	2001	2011
TORFAEN	2,144 (2.49%)	2,119 (4.35%)	9,425 (11.10%)	8,641 (9.84%)

Dyma nifer y disgyblion mewn addysg cyfrwng Cymraeg yn Nhorfaen.



Bydd y strategaeth hon yn seiliedig ar ddangosyddion perfformiad allweddol lleol a chenedlaethol yr iaith Gymraeg a chaiff ei monitro'n unol â hynny. Mae'r Dangosyddion Perfformiad Allweddol wedi eu cynnwys yn adran "Sut" yn y strategaeth hon. Bydd recriwtio a chadw staff i ddarparu gwasanaethau drwy gyfrwng y Gymraeg yn bwysig, yn yr un modd ag y bydd cydnabod yr iaith fel sgil yn y gweithle. Mae gan Gyngor Torfaen, y BGC, partneriaid, ac unigolion, ran hanfodol i'w chwarae wrth hybu statws yr iaith Gymraeg ac wrth gynnal ac ehangu defnydd o'r Gymraeg ym mhob agwedd ar fywyd yn y sir. Trwy'r strategaeth hon, mae aelodau o Gyngor Torfaen yn bwriadu cefnogi'r ymdrechion rhagorol sydd eisoes yn amlwg

ledled y sir, yn ogystal â nodi ffyrdd y gall y Cyngor adeiladu ymhellach ar y gwaith hwnnw o fewn cwmpas ein dylanwad ein hunain.

Dangosodd Cyfrifiad 2011, o gymharu â Chyfrifiad 2001, ostyngiad yn nifer y siaradwyr Cymraeg er bod Torfaen yn gartref i'r ysgol uwchradd ranbarthol cyfrwng Cymraeg (Ysgol Gyfun Gwynllyw) a bod trydedd ysgol gynradd cyfrwng Cymraeg wedi agor yn 2010. Gall hyn fod am nad yw'r Cyfrifiad yn canfod lefelau cymhwysedd yn y Gymraeg.

I'r gwrthwyneb, mae'r arolwg o ddefnydd yr iaith Gymraeg a gomisiynwyd gan Lywodraeth Cymru a Chomisiynydd y Gymraeg yn ystod 2013-2015 yn dangos bod y nifer o siaradwyr Cymraeg yn yr ardal yn agosach at 23%, ac mae hyn yn seiliedig ar 105 o siaradwyr Cymraeg yn cael eu harolygu allan o'r 9,000 o drigolion posibl. Felly, ni allwn ddefnyddio hwn fel man cychwyn i gynyddu nifer y siaradwyr Cymraeg yn yr ardal.

Sut?

Yn yr adran hon byddwn yn edrych ar bum maes ffocws sydd yn anelu i'n helpu i gyflawni ein prif amcanion, ac awgrymu nifer o gamau i gyflawni ein gweledigaeth.

- a) Deddfwriaeth a Pholisi
- b) Addysg
- c) Y Drefn Arferol
- d) Gwasanaethau a Digwyddiadau
- e) Hawliau'r Cyhoedd

Bydd y rhain yn ein helpu i gyflawni'r canlyniadau a ganlyn:

- Cynyddu'r defnydd o'r Gymraeg gan ddinasyddion sydd â sgiliau iaith Gymraeg
- Cynyddu nifer y siaradwyr Cymraeg
- Cynyddu presenoldeb gweledol yr iaith Gymraeg
- Hyrwyddo Diwylliant Cymreig

a) Deddfwriaeth a Pholisi

Er bod y strategaeth yn ofyniad statudol newydd i'r Cyngor dan Reoliadau Safonau Iaith Gymraeg (Rhif 1) 2015, mae'n adeiladu ar y gwaith sydd eisoes yn cael ei gwblhau yn Nhorfaen i gwrdd ag anghenion y gymuned.

Mae'r adran a ganlyn yn nodi'r fframwaith rheoleiddio, y mae'r strategaeth newydd hon yn ategu ati:

Rheoliadau Safonau'r Gymraeg (Rhif 1) 2015 o 30 Mawrth 2016

Mae'n ddyletswydd ar bob awdurdod lleol yng Nghymru i gydymffurfio â'r safonau newydd ar gyfer y Gymraeg sy'n egluro sut y dylai sefydliadau ddefnyddio'r iaith Gymraeg mewn gwahanol sefyllfaoedd. Mae'r dyletswyddau sy'n dod o Fesur y Gymraeg yn golygu na ddylai sefydliadau drin yr iaith Gymraeg yn llai ffafriol na'r Saesneg, ynghyd â hybu a hwyluso'r defnydd o'r iaith Gymraeg.

Deddf Llesiant Cenedlaethau'r Dyfodol (Cymru) 2015

Mae'r Ddeddf yn anelu i wella lles cymdeithasol, economaidd, amgylcheddol a diwylliannol Cymru. Bydd y Ddeddf yn gwneud i'r cyrff cyhoeddus feddwl am effeithiau tymor hir, gweithio'n well gyda phobl a chymunedau a gyda'i gilydd, ceisio atal problemau a mabwysiadu ymagwedd fwy cydgysylltiedig. Un o'r saith nod Lles a restrir yn y Ddeddf yw

"Cymru â diwylliant bywiog lle mae'r Gymraeg yn ffynnu."

Strategaeth Iaith Gymraeg Llywodraeth Cymru: Iaith Fyw: Iaith Byw

Mae strategaeth iaith Gymraeg Llywodraeth Cymru ar gyfer 2012 i 2017 wedi ei hanelu at hybu a hwyluso'r defnydd o'r iaith Gymraeg mewn bywyd bob dydd a'i gweledigaeth yw gweld y Gymraeg yn ffynnu yng Nghymru. Yn ddiweddar, mae Llywodraeth Cymru wedi lansio strategaeth ddrafft newydd 'Miliwn o siaradwyr Cymraeg erbyn 2050' sy'n destun ymgynghoriad. Bydd ein strategaeth yn ategu at flaenoriaethau gweledigaeth Llywodraeth Cymru ac yn gweithio tuag at gynyddu nifer y siaradwyr Cymraeg yn Nhorfaen.

Llywodraeth Cymru: Mwy na geiriau

Y fframwaith strategol ar gyfer hyrwyddo defnydd o'r iaith Gymraeg o fewn lechyd, Gwasanaethau Cymdeithasol a Gofal Cymdeithasol. Sicrhau canlyniadau lles cadarnhaol i unigolion, rhywbeth sy'n sail i Ddeddf Gwasanaethau Cymdeithasol a Lles (Cymru) 2014. Mae'r Codau Ymarfer dan y Ddeddf yn ei gwneud yn ofynnol i awdurdodau lleol sicrhau bod yr iaith Gymraeg yn cael ei hadeiladu i mewn i gynllunio a darparu gwasanaethau a'r gwasanaeth "Cynnig Gweithredol" sydd ar gael i siaradwyr Cymraeg heb iddynt orfod gofyn am wasanaeth yn Gymraeg.

Cyngor Bwrdeistref Sirol Torfaen: Cynllun Strategol y Gymraeg mewn Addysg

Mae Deddf Safonau a Threfniadaeth Ysgolion (Cymru) (2013) yn gosod gofyniad statudol ar awdurdodau lleol i baratoi a chyflwyno Cynllun Strategol y Gymraeg mewn Addysg. Mae'r Ddeddf yn galluogi Gweinidogion Cymru i gymeradwyo'r Cynllun a gyflwynwyd, cymeradwyo'r Cynllun gydag addasiadau neu wrthod y Cynllun a gofyn i'r awdurdod baratoi un arall. Mae'r Cynllun yn canolbwyntio ar y targedau yn y Strategaeth Addysg Cyfrwng Cymraeg ac mae disgwyl i awdurdodau lleol adrodd yn flynyddol ar berfformiad yn erbyn y targedau hyn. Dylid mynd ati o oedran cynnar i gynyddu nifer y siaradwyr Cymraeg, ac mae gan ysgolion, cyfrwng Cymraeg a Saesneg rhan fawr i'w chwarae o ran cynhyrchu siaradwyr Cymraeg a chodi ymwybyddiaeth o'r hyn y mae'n ei olygu i fod yn Gymry. Mae Cynllun Strategol y Gymraeg mewn Addysg a luniwyd gan Gyngor Torfaen yn hanfodol o ran llunio proffil ieithyddol Torfaen yn y dyfodol.

b) Addysg


Mae dysgu iaith yn ifanc yn allweddol i lwyddiant y strategaeth hon a heb ddigon o rieni sy'n dewis anfon eu plant drwy addysg cyfrwng Cymraeg, bydd yn cael effaith ar y nifer o weithwyr proffesiynol sy'n gallu darparu gwasanaethau drwy gyfrwng y Gymraeg a throsglwyddo'r sgiliau hynny i genedlaethau'r dyfodol.


Bydd yr ymgynghoriad yn targedu rhieni newydd i asesu dewis y rhieni fynd ati i ddewis addysg cyfrwng Cymraeg, gorfodi manteision dwyieithrwydd a

mynd i'r afael â rhai o'r rhwystrau y gall rhieni Saesneg eu hiaith eu hwynebu wrth anfon eu plentyn i ysgolion Categori A.

Mae'r fwrdeistref yn gartref i 3 ysgol gynradd Gymraeg ac un ysgol uwchradd ranbarthol. (Dalgylch Blaenau Gwent, Torfaen, Sir Fynwy a Chasnewydd). Mae'r tabl isod yn dangos twf addysg cyfrwng Cymraeg dros y ddegawd ddiwethaf yn ogystal â rhagamcanu'r duedd hon dros hyd oes y strategaeth.

Mae'r niferoedd rhagamcanol yn seiliedig ar dueddiadau dewis y rhieni 2016, sy'n cael eu hadolygu'n flynyddol. Mae'r cyngor yn monitro'r galw am ddarpariaeth addysg cyfrwng Cymraeg yn fanwl i sicrhau bod darpariaeth ddigonol i ateb y galw.





Mae'r ffigurau rhagamcanol yn seiliedig ar gontinwwm y sefyllfa bresennol ac nid ydynt yn ymgorffori unrhyw fodd o hyrwyddo addysg ddwyieithog yn y Fwrdeistref.

Mae continwwm i fyfyrwyr mewn addysg ôl-16 cyfrwng Cymraeg, drwy ysgolion, addysg a phrifysgolion bellach yn hanfodol i sicrhau bod y sgiliau iaith yn cael eu cynnal a'i drosglwyddo i'r gweithle, drwy gefnogi y gwasanaethau Cymraeg a gynigir gan sefydliadau.

c) Y Drefn Arferol

Oherwydd demograffeg yr ardal a dirywiad yn nifer y siaradwyr Cymraeg yn Nhorfaen / Gwent dros y ganrif ddiwethaf, mae'n bwysig bod y rhai sy'n meddu ar sgiliau iaith Gymraeg hy rhai sy'n gadael yr ysgol, oedolion sy'n dysgu, a mewnfudwyr o rannau eraill o Gymru hy unrhyw gwsmer sy'n cysylltu â'r cyngor drwy gyfrwng y Gymraeg, yn cael eu hannog i wneud hynny, a rhaid i ni sicrhau:

- Bod y gweithlu yn medru cyflenwi Gwasanaethau Iaith Gymraeg.
- Cynyddu'r defnydd o'r Gymraeg ar bosteri
- Hyrwyddo diwylliant Cymreig hy
Diwrnod Santes Dwynwen
25 Ionawr -
Nawdd sant y cariadon yng Nghymru

Dydd Gŵyl Dewis Sant
1 Mawrth
Nawdd sant Cymru

Eisteddfod yr Urdd
Hanner Tymor Sulgwyn
Gŵyl Ieuencid Ddiwylliannol

Yr Eisteddfod Genedlaethol
Wythnos Gyntaf mis Awst
Gwyl Ddiwylliannol

Diwrnod Owain Glyndŵr
16 Awst
Dathlu bywyd a gwaith Tywysog brodorol olaf Cymru

Diwrnod Shw Mae
15 Hydref
Gweithgareddau Cenedlaethol i gyfarch a defnyddio'r
iaith Gymraeg

- Cynyddu cyfleoedd i ddefnyddio'r Gymraeg yn y gymuned ee Cwisiau, Cyngherddau, Twmpath, Nosweithiau Cymdeithasol
- Annog rhieni i drosglwyddo'u sgiliau i'w plant

Bydd yr ethos o "beidio â gorfod gofyn am wasanaeth yn Gymraeg" yn caniatáu'r defnydd o Gymraeg i fod yn 'Norm' yn Ne Ddwyrain Cymru.

Mae Safon 145 o Hysbysiad Cydymffurfio Torfaen yn ei gwneud yn ofynnol i'r Cyngor osod targed (yn nhermau'r canran o siaradwyr) i gynyddu neu gynnal nifer y siaradwyr Cymraeg yn y fwrdeistref.

Bydd Torfaen yn defnyddio nifer y siaradwyr Cymraeg sy'n seiliedig ar ddata Cyfrifiad 2011 a nifer presennol y disgyblion o fewn addysg cyfrwng Cymraeg fel man cychwyn.

Bydd y ganran a ragwelir yn cael ei osod gan dwf ysgolion a thueddiadau data'r cyfrifiad diwethaf, yn gysylltiedig â'r twf a ragwelir yn y boblogaeth.

d) Gwasanaethau a Digwyddiadau

Credwn fod cael cefnogaeth y Gymuned Iaith Gymraeg yn Nhorfaen yn hanfodol i sicrhau bod y gwasanaethau yn cael eu defnyddio a bod pobl yn mynd ati yn eu niferoedd i fynychu digwyddiadau.

Bydd y Safonau Iaith Gymraeg yn sicrhau bod deunydd darllen a gwasanaethau'r Cyngor ar gael trwy gyfrwng y Gymraeg a thrwy ddarparu cefnogaeth a chynngor ymarferol i'r BGLI, sy'n cynnwys cynrychiolwyr o bob gwasanaeth cyhoeddus sy'n gweithredu ym Mwrdeistref Torfaen, wrth i bob sector fynd trwy'r broses ddeddfwriaethol gan Lywodraeth Cymru a Chomisiynydd y Gymraeg.

Er mwyn cyflwyno gwasanaethau yn Gymraeg, mae'n hanfodol bod gennym y staff sy'n meddu ar y sgiliau iaith angenrheidiol. Cynigir hyfforddiant iaith Gymraeg i aelodau staff a sicheir bod y sgiliau a ddysgwyd yn cael eu cynnal.

Drwy ein hasesiad sgiliau iaith diwygiedig a ddaeth i'r amlwg yn sgil y Safonau Iaith Gymraeg, bydd y Cyngor mewn sefyllfa wybodus i ganfod swyddogion sy'n gallu helpu gydag ymholiadau drwy gyfrwng y Gymraeg.

Byddwn yn parhau i weithio gyda Landlordiaid Cymdeithasol Cofrestredig a sefydliadau trydydd sector i annog y defnydd o'r Gymraeg a chynorthwyo gyda chyfieithiadau.

e) Hawliau'r Cyhoedd

Dan Fesur yr Iaith Gymraeg (Cymru) 2011 rhoddwyd statws swyddogol i'r iaith yng Nghymru, sy'n caniatáu i:

- Siaradwyr Cymraeg ddefnyddio'r iaith wrth ddelio â'r Cyngor
- Sicrhau nad yw'r Gymraeg yn cael ei thrin yn llai ffafriol na'r Saesneg;
- Bod y defnydd o'r iaith Gymraeg yn ddilys;
- Hyrwyddo a hwyluso'r defnydd o'r iaith Gymraeg;
- Rhyddid i bobl sy'n dymuno defnyddio'r iaith Gymraeg ymhlith ei gilydd;

Mesur Llwyddiant

Bydd y Cyngor, gyda chymorth Partneriaid o bob sector, a gyda chefnogaeth y gymuned sy'n siarad Cymraeg yn Nhorfaen, yn anelu i gynyddu canran y siaradwyr Cymraeg o 9.8% yn 2011 i 15% erbyn 2022.

Rhodddwyd ystyriaeth i'r ffactorau hyn wrth gyrraedd y targed hwn:

- Canran y siaradwyr Cymraeg yng Nghyfrifiad 2011 (Y Cyfrifiad)
- Nifer y plant sy'n gadael addysg cyfrwng Cymraeg ym mlynnyddoedd 11 a 13
- Nifer y dysgwyr Cymraeg bob blwyddyn
- Twf ym mhoblogaeth
- Lleoedd mewn Ysgolion Cynradd ac Ysgolion Uwchradd Cyfrwng Cymraeg

Bydd canlyniadau Cyfrifiad 2022 yn cael eu cymharu â'r targed a osodwyd a bydd adroddiad, yn unol â Safon 146 Rheoliadau Safonau Iaith Cymraeg (Rhif 1) 2015, yn cael ei gyhoeddi, a bydd yn cynnwys:

- I ba raddau yr ydym wedi dilyn y strategaeth a chyrraedd y targed a osodwyd
- Aseiad yn cynnwys y wybodaeth ganlynol -
 - nifer y siaradwyr Cymraeg yn Nhorfaen, ac oedran y siaradwyr hynny;
 - rhestr o weithgareddau a drefnwyd neu a ariannwyd yn ystod y 5 mlynedd flaenorol er mwyn hyrwyddo'r defnydd o'r iaith Gymraeg.

Canlyniadau

Targed	Dull a Chanlyniad
Cynyddu'r defnydd o'r Gymraeg gan ddinasyddion sydd â sgiliau iaith Gymraeg	<p>Monitro nifer yr ymwelwyr sy'n dewis defnyddio'r iaith Gymraeg wrth drafod unrhyw faterion</p> <p>Monitro digwyddiadau Cymraeg a sicrhau eu bod yn cael eu mynychu'n dda</p> <p>Cynorthwyo asiantaethau sy'n bartneriaid i hyrwyddo'r Gymraeg</p> <p>Cynyddu nifer y swyddogion i ddarparu gwasanaethau drwy gyfrwng y Gymraeg</p> <p>Sicrhau bod staff heb unrhyw sgiliau Cymraeg yn gallu delio ag unrhyw gais am wasanaethau yn y Gymraeg</p>
Cynyddu nifer i siaradwyr Cymraeg	<p>Cynyddu nifer y bobl sy'n gallu siarad Cymraeg i 15% erbyn 2022 (yn seiliedig ar y fethodoleg uchod)</p> <p>Sicrhau bod yna bresenoldeb da yn y dosbarthiadau Cymraeg</p> <p>Hyrwyddo manteision addysg cyfrwng Cymraeg/dwyieithrwydd</p> <p>Darparu cyfleoedd i rieni ddatblygu eu sgiliau Cymraeg i gynorthwyo eu plant i fagu hyder a meithrin hyder yn eu gallu i ddefnyddio'r iaith Gymraeg.</p>
Cynyddu presenoldeb gweledol yr iaith Gymraeg	<p>Sicrhau bod posteri, taflenni, cyfathrebu ar gyfryngau cymdeithasol ac ati yn cael eu dosbarthu a'i hyrwyddo yn ddwyieithog.</p> <p>Hyrwyddo digwyddiadau Cymraeg</p> <p>Darparu cyfleoedd i'r di-gymraeg gymryd rhan mewn digwyddiadau Cymraeg</p>
Hyrwyddo Diwylliant Cymreig	Cynorthwyo partneriaid i Hyrwyddo Diwrnod Shw Mae, Yr Eisteddfod Genedlaethol, Eisteddfod yr Urdd, Dydd Gŵyl Dewi, Diwrnod Santes Dwynwen, Diwrnod Owain Glyndŵr

	<p>Darparu Ymwybyddiaeth iaith i Aelodau, staff a phartneriaid</p> <p>Hyrwyddo'r iaith Gymraeg fel pwynt gwerthu unigryw wrth ddelio â sefydliadau y tu allan i Gymru.</p> <p>Cyflwyno'r iaith Gymraeg i gymunedau newydd a rhai sy'n dod i'r golwg, fel ffordd o integreiddio i ddiwylliant Cymreig</p> <p>Hybu dysgu Cymraeg, ac addysg cyfrwng Cymraeg.</p>
--	--